

春秋属辞比事记

毛奇龄

文硕阁

wenshuoge.com

目录

关于我们

提要

春秋属辞比事记卷一

春秋属辞比事记卷二

春秋属辞比事记卷三

春秋属辞比事记卷四

3

5

6

19

29

43

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案春秋属辞比事记四卷

国朝毛奇龄撰奇龄作春秋 分义例为二十二门而其书则仍从经文十二公之序此乃分门隶事如沈棐赵汸之体条理颇为明晰考据亦多精核盖奇龄长于辨礼春秋据礼立制而是书据礼以断春秋宜其秩然有纪也其不旁牵三礼而独就经说经尤为特识是书为奇龄门人所编云本十卷朱彝尊经义考惟载六卷且云未见此本于二十二门之中仅得七门而侵伐一门尚未及半虽非完书然核其体要转胜所作春秋 也乾隆四十三年九月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

春秋属辞比事记卷一

翰林院检讨毛奇龄撰

经解曰属辞比事春秋教也夫辞何以属谓夫史文之散渚者宜合属也事何以比谓夫史官所载之事畔乱参错而当为之比以类也此本夫子以前之春秋而夫子解之如此是以夫子之春秋亦仍以四字为之解汉儒谓属合辞令比次战伐则于作者之意全无统系而好事者自造为书例谓辞有褒讥事有功罪皆于书法乎例之书人书爵书名书日并有义例而较之全经而一徃不合则于是重疑春秋而春秋不 昔者孟子解春秋曰其事则事当比也曰其文则其辞当属合也而在夫子以前晋韩起聘鲁见鲁史春秋即叹曰周礼尽在鲁矣则鲁史记事全以周礼为表志而策书相 谓之礼经凡其事其文一准乎礼而从而比之属之虽前后所书偶有同异而义无不同并无书人书爵书名书日之渎乱乎其间而遍校之十二公二百四十二年之春秋而无徃不合则真春秋矣向非属辞亦安知其文之联属如是也书人亦例不书人亦例也书名书爵书日无一非例即不书名书爵书日亦无一非例也而于以比事则事之相似者而褒讥与功罪见焉即不相似者而褒讥功罪亦无徃不见焉以礼为志而其事其文以次比属而其义即行乎礼与事与文之中谓之四例亦谓之二十二志而总名之曰春秋属辞比事记夫如是而夫子之春秋庶可见乎予 春秋成已创发四例而人或不信因复重阐之而分礼门部比属其辞事之系礼者而着之于篇

改元

周礼天子诸侯分国各纪其年以行于国中每遇国君新立则必改年以始之谓之改元

【隱公】元年

此鲁隱公元年即周平王之四十九年也隱为惠公子鲁史不载惠公死日但以礼推之则商礼逾月改元周礼逾年始改元此必惠公死于周平之四十八年而隱于是改之者若史世家云惠公四十六年卒则此为惠公四十六年之明年然不敢据者 称惠公娶宋仲子为鲁夫人而世家谓惠夺隱公之妻而自娶之生桓公则于隱年为过长桓年为过幼其于年月必有与春秋大不合者故宁略之耳

【桓公】元年

【庄公】元年

【閔公】元年

【僖公】元年

【文公】元年

僖以三十三年冬十二月薨则距此裁一月然终是逾年与商礼逾月不同

【宣公】元年

【成公】元年

【襄公】元年

【昭公】元年

【定公】元年

定公以是年六月即位是六月以前宜书昭三十三年经于春王三月即书元年者商礼两君共一年周礼不然以一年不可有二君也

【哀公】元年

即位

即位有二商礼遭先君之丧即于次月改元次月即位而其礼已毕周礼不然凡遭丧时必先受命于殡行奠殡之礼故天子十日而殡即十日即位书康王之诰乙丑王崩越癸酉而入即位凡十日是也诸侯五日而殡即五日即位鲁史昭公癸亥丧归至戊辰而入即位凡五日也是也此遭丧即位礼也至明年改元则于朝正后仍郑重而行即位之礼而于是史书即位于改元之后此改元即位礼也春秋十二公即位皆从改元后书之其有不书者必丁弑逆之后但遭丧即位而于改元时不忍又行即位礼则不书如庄闵僖三君皆无即位文者以先君皆被弑故也此周礼也

隐元年春王正月

此不书即位者以摄位也周礼天子诸侯有始娶再娶之礼始娶名元妃名始适夫人再娶名又娶夫人若继室则媵妾之当室者耳盖始娶无子则再娶卫庄公始娶于齐曰庄姜无子则又娶于陈曰厉妫及厉妫生孝伯早死则又以厉妫之娣戴妫所生子完立为桓公虽前此媵妾之子实长于完如州呼者而皆不得立何则以再娶者夫人也若始娶者或卑微或不成礼则亦可再娶鲁庄公始娶孟任已为夫人矣后以其卑微且以筑台于党氏而私娶之不必成礼故又娶于齐曰哀姜及哀姜无子则仍以孟任之子般立为适子虽哀姜有娣叔姜已生闵公即前此媵妾之子成风又早生僖公而皆不得立何则以始娶者夫人也此周礼也今隐公为继室声子所生子而惠公再娶仲子实为夫人则其立桓公为适而隐公居摄于礼实然或

曰此春秋之礼何以必知为周礼曰若非周礼则庄姜知礼者岂甘以身在而令其再娶且是时州吁已长不患无公子也又况子般之立成季主之甚至酈叔牙縊仲庆父手杀二兄而歷春秋十二公二百四十二年而未尝以为过何则礼在故也故曰此周礼非春秋礼也

桓元年春王正月公即位

隐被弑桓不宜行即位礼然而桓讳弑逆名则故行之行则史官必有书此史例也读者当因书而验其恶此义也

庄元年春王正月

不书即位以先君被弑不忍行即位礼也

闵元年春王正月

上同

僖元年春王正月

上同

文元年春王正月公即位

文遭丧即位在冬十二月至改元未一月而又即位礼在故也且周礼诸侯五月而葬此时僖尚未葬也僖未葬而即称公以逾年改元当称公耳诸 谓未葬称子既葬称公此造为周礼者春秋不然

宣元年春王正月公即位

东门襄仲杀适子恶与视而立宣公则亦承弑者而仍书即位宣不以杀恶为弑故也此与桓行即位礼同

成元年春王正月公即位

襄元年春王正月公即位

昭元年春王正月公即位

定元年夏六月癸亥公之丧至自干侯戊辰公即位定承昭丧逾六月非遭丧即位者然六月

即位又非逾年改元即位者此以昭丧归鲁之日作遭丧之日故自癸亥丧归至戊辰即位与奠殡受命礼同但只行遭丧礼而改元即位全不及行非好反商礼也时为之也

哀元年春王正月公即位

生子

礼太子生必书然必初生时有接子之礼内则云国君世子接以太牢谓以太牢接夫人行飨后之礼然后书策此周礼也

桓六年九月子同生

春秋生子礼惟此一书者以十二公皆非夫人所出独文公哀姜以夫人生恶而是时未得行接子之礼即不书故此 云以太子生之礼举之接以太牢卜士负之士妻食之公与文姜宗妇命之因名同杜预所谓以其备用太子之礼故史书于策是也

立君

周有立储礼 每言之如立适以长立子以贵年钧以义义钧以卜类而经统不及然礼固有是也

隐四年冬十有二月卫人立晋

此经之纪立君者时卫州吁弑桓公石碚同国人杀州吁且迎桓公之弟公子晋于邢而立之故有此文与常时立君礼不同

朝聘

朝聘会盟在三礼并无明文惟 有岁聘间朝与再朝而会再会而盟语大率每年一聘三年一朝六年一会十二年一盟与尚书周官六年会朝十二年又会朝年数颇合若诸侯相朝礼则全无可考 谓诸侯五年再相朝则似过密李氏周官经谓诸侯世相朝则又过疎若晋自定制谓三年一聘五年一朝有事而会不协而盟则朝聘较疎而盟会反密皆与周礼不必合且晋虽改制强齐鲁共遵而当时朝聘会盟其期与年数并不相准则春秋礼也惟岁聘诸语是周礼他总非是也

朝

【朝周】 僖二十八年夏公朝于王所

此朝襄王也春秋二百四十二年仅见僖公此朝然又赴晋文践土之会而王来践土故即于行在朝之曰朝于王所然则仍未朝京师矣

冬壬申公朝于王所

此又朝于河阳者然总在是年一时一事非再赴朝也

成十三年春三月公如京师

此成公朝简王也成以赴晋文之召过周因而朝之此何朝乎如之而已

【朝晋】成十有八年春公如晋

诸侯相朝礼大抵小国朝大国耳故大国君新立则小国朝新君小国君新立则新君朝大国时晋悼新立成公以朝新君如晋其不书朝而书如者史例也夫以齐桓之伯庄僖每如齐而未尝一朝以齐晋鲁卫本敌国也至此则齐鲁皆属国矣故曰春秋自文宣以后多志晋恶非虚语也

襄三年春公如晋

此襄公以新立朝晋悼公也

八年春王正月公如晋

此朝晋听晋颁属国朝聘贡赋之数也

昭五年春公如晋

此昭以新立朝晋平公也前二年往朝以兼吊晋少姜而晋辞之故再往焉

十二年夏公如晋至河乃复

昭以晋昭公新立往朝而晋受莒愬怒而辞之

十三年冬公如晋至河乃复

晋以莒愬故执季孙意如公往朝请之仍不得入

十五年冬公如晋【朝晋昭新立兼谢释季孙也】

二十一年公如晋至河乃复

晋顷公新立故往朝而晋又辞之

二十三年冬公如晋至河有疾乃复

晋以邾慁故执我行人叔孙舍公往朝兼请而仍不得入因托疾以归经书有疾者讳辱也

【朝楚】襄二十八年冬十有一月公如楚

楚与晋争伯而宋公为向之盟以平之至是诸国各朝晋楚以成其事经不书朝晋而独书朝楚者以朝楚而楚康王卒公留楚送葬逾年不归遂不能讳辱故也

【来朝】隐十一年春滕侯薛侯来朝

桓二年春王正月滕子来朝【前称侯此称子为时王所降也】

秋七月 侯来朝

公谷以 为纪而宋程氏胡氏皆遵之谓齐欲灭纪而纪侯求鲁为之主故来朝然齐之谋纪始于五年齐侯郑伯如纪之经而后至六年而公会纪侯纪侯来朝经屡书之此时并无齐谋也公谷胡氏之误全不顾经予 中已屡及之兹 所畧者而偶检其误因复书此

六年冬纪侯来朝

七年夏谷伯綏来朝邓侯吾离来朝

谷邓皆近楚小国名綏与吾离则两君名也诸侯来朝无书名者此以附庸例名之胡氏谓贬其朝桓则庄之鄆黎来来朝萧叔来朝为不可通矣

九年冬曹伯使其世子射姑来朝

十五年夏四月邾人牟人葛人来朝

经例诸侯之卿称名大夫称人附庸之君与诸侯卿等可称名则附庸之卿当称人此必遣卿来朝耳

庄五年秋鄆黎来来朝【鄆国黎来名】

二十三年夏萧叔朝公【萧国叔字小国例可字可名】

不书来朝而书朝公以公在齐而叔就朝之故也

二十七年冬 伯来朝

僖五年春 伯姬来朝其子【帅其子来朝也】

七年夏小邾子来朝【即邾黎来也初封小邾子故修新君来朝礼】

十四年夏六月季姬及鄫子遇于防使鄫子来朝【使其夫来朝也】

二十年夏郕子来朝

二十七年春 子来朝【前称伯此称子为时王所降也】

文十一年秋曹伯来朝

十二年春 伯来朝【又为时王所进也】

秋滕子来朝

十五年夏曹伯来朝

宣元年秋邾子来朝

成四年三月 伯来朝

六年夏六月邾子来朝

七年夏五月曹伯来朝

十八年秋 伯来朝

八月邾子来朝

襄元年秋邾子来朝

六年秋滕子来朝

七年春邾子来朝

夏小邾子来朝

二十二年冬曹伯来朝

二十八年夏邾子来朝

昭三年秋小邾子来朝

十七年春小邾子来朝

秋邾子来朝

定十五年春邾子来朝

哀二年夏四月滕子来朝

聘

【聘周】僖三十年冬公子遂如京师遂如晋【时襄王来聘而我报之】文元年夏叔孙得臣如京师【襄王锡文公命故报之】

宣九年夏仲孙蔑如京师【定王来召聘始应之】

襄二十四年冬叔孙豹如京师【灵王新城王城鲁往聘且贺城焉聘齐】僖七年秋公子友如齐【聘齐桓公】

十三年冬公子友如齐【聘齐桓公】

二十八年秋公子遂如齐【齐昭公新立】

文元年冬公孙敖如齐

十八年秋公子遂叔孙得臣如齐【齐惠公新立】

时我文公薨而齐惠以新立来会葬故两卿并行一聘新君一谢会葬也

宣十年秋季孙行父如齐【齐顷公新立】

成十一年秋叔孙侨如如齐【齐灵公新立】

襄二十年秋叔老如齐【齐庄公新立】

叔老宣公母弟叔肸之孙叔氏而老名者周礼使聘用上卿此以宣弟大宗之后世为宗卿而行使者犹桓弟季友为季氏僖弟仲遂为仲氏此以宣弟叔肸为叔氏也

昭九年秋仲孙羯如齐【殷聘也】

【聘晋】僖三十年冬公子遂如京师遂如晋【聘晋文公】

文五年夏公孙敖如晋【聘晋襄公】

六年秋季孙行父如晋

宣十八年秋公孙归父如晋【聘晋景公并谋去三桓也】

成六年夏公孙婴齐如晋

冬季孙行父如晋

十一年夏季孙行父如晋【报聘】

襄二十四年春叔孙弱如晋【报聘】

二十九年冬仲孙羯如晋【报聘】

昭二年夏叔弓如晋【报聘】

叔弓叔老之子

八年夏叔弓如晋

定六年夏季孙斯仲孙何忌如晋【二卿并行一献郑俘一报聘也聘列国】庄二十五年冬公子友如陈【报聘】

僖五年夏公孙兹如牟

公孙兹者即叔孙戴伯叔牙之子也因自娶牟国女故假聘以往焉

文六年夏季孙行父如陈

十一年秋公子遂如宋

成五年春仲孙蔑如宋

成八年春公孙婴齐如莒

襄二年秋叔孙豹如宋

六年冬叔孙豹如邾

七年季孙宿如卫

二十年冬季孙宿如宋

昭六年冬叔弓如楚

二十五年春叔孙舍如宋

【周来聘】 隐七年冬天王使凡伯来聘

九年春天王使南季来聘

周礼天子有下聘诸国之礼此与上凡伯来聘皆桓王聘我者其凡伯称爵南季称字且或称名以王国卿以上出使称爵大夫称字士称名不同

桓四年夏天王使宰渠伯纠来聘

宰其官渠其氏伯糾其名书例之不拘如此

五年夏天王使仍叔之子来聘

天子大夫称字故仍氏叔字之子者子代父行也

八年春天王使家父来聘【家氏父字】

庄二十三年春祭叔来聘

祭邑叔字天子内臣也其不言天子使者史略文有此如王人子突救卫类

僖三十年冬天王使宰周公来聘

此宰太宰本食邑于周而为三公者故称爵不名

宣十年秋天王使王季子来聘

王季子王之季子即刘康公也

【齐来聘】 隐七年夏齐侯使其弟年来聘

此齐僖公使聘也年者僖之母弟为僖父齐庄公之大宗此亦宗卿使聘者而不书氏以初立庄族此时未有氏也且史例有单书其名者不惟不称氏并不称公子书法如此

僖三十三年春齐侯使国归父来聘 【报聘也国氏归父名】

宣十年冬齐侯使国佐来聘

襄二十有七年春齐侯使庆封来聘 【齐景公新立】

【晋来聘】 成三年冬十二月晋侯使荀庚来聘

晋景公恐鲁贰楚故来聘且寻盟焉见盟部

八年冬晋侯使士燮来聘 【谋伐邲也】

十一年春晋侯使郤犍来聘

十八年夏晋侯使士匄来聘 【晋悼公新立谢鲁朝也】

礼国君新立小国朝之大国聘焉

襄元年冬晋侯使荀防来聘

八年冬晋侯使士匄来聘 【报朝也】

十二年夏晋侯使士魋来聘

二十六年夏晋侯使荀吴来聘【晋平召襄公也】

二十九年夏晋侯使士鞅来聘

昭二年春晋侯使韩起来聘【鲁昭公新立】

二十一年夏晋侯使士鞅来聘【晋顷公新立】

【列国来聘】庄二十三年荆人来聘

人者大夫也

二十五年春陈侯使女叔来聘【女氏叔字】

卿可字可名

文四年秋卫侯使甯俞来聘

九年冬楚子使椒来聘

子越椒不称氏书例有此

十二年秋秦伯使术来聘

术即西乞术亦不书氏

成三年冬十有二月卫侯使孙良夫来聘

四年春宋公使华元来聘【宋共公新立】

襄元年冬卫侯使公孙剽来聘

五年夏郑伯使公子发来聘【郑僖公新立】

七年冬十月卫侯使孙林父来聘

十五年春宋公使向戌来聘【报聘】

二十九年夏吴子使札来聘

吴季札也不书氏

三十年春楚子使防罢来聘【郟敖新立】

昭十二年夏宋公使华定来聘【宋元公新立】

归脤

定十四年秋天王使石尚来归脤【石氏尚名】

周礼大宗伯以脤膋亲兄弟之国即归脤也

锡命

周礼诸侯死王有锡命即追命也新君立王有锡命即锡瑞之命也此周庄王锡桓公命是追命襄王锡文公命简王锡成公命俱是瑞命不同

庄元年冬王使荣叔来锡桓公命【荣氏叔字】

天王失天字史阙文也

文元年夏天王使毛伯来锡公命【毛国伯爵】

成八年秋七月天子使召伯来锡公命【召国伯爵】

天王称天子史变文也

春秋属辞比事记卷一

春秋属辞比事记卷二

翰林院检讨毛奇龄撰

会盟

会盟礼见朝聘门第分合不同必设多部以析之旧例有殊会兼会殊盟特盟参盟诸名以皆非经文所有故不立部按经文所有惟来盟涖盟同盟不盟类可依立部名其兼会一部虽经文所有如会盟会成会侵会伐会救会次会战会城会莖类然各有本部其所重在本部之侵伐战救而不在此一会则仍归本部为至当矣若遇与胥命与平与成则皆盟会之别名虽仪有增减而礼无同异故平成多在战伐之后而仍 盟会门与会盟会伐诸兼会礼不同会

隐二年春公会戎于潜【戎徐戎也】

古夷狄杂处中国如西南之獠獠然自秦始尽馭之塞外而筑长城以截之夫然后中国夷狄永有分别其在秦郡县之外凡汉武所开之土未经馭逐者则诸夷尚存今之西南獠獠所称土官土民皆是也春秋开卷即与戎盟此亦不得已而以与国礼相待故然胡氏误以楚为夷狄而攘之夫蛮夷猾夏所在都有徒攘荆楚无为也况荆楚本先王所封国实五等诸侯非夷狄也鲁诗曰戎狄是膺荆舒是惩戎狄指淮夷徐戎非荆舒也

九年冬公会齐侯于防

十年春王正月公会齐侯郑伯于中丘

二会俱奉桓王命讨宋殇公也

十一年夏公会郑伯于时来【谋伐许也】

桓元年春三月公会郑伯于垂【谋易许田也】

二年秋蔡侯郑伯会于邓

三年春正月公会齐侯于嬴【齐僖公】

春王失王字阙文

六月公会 侯于郕

六年夏四月公会纪侯于郕【谋齐难也】

十年秋公会卫侯于桃丘弗遇

齐郑邀卫师伐鲁鲁求成于卫而卫绝之

十一年秋公会宋公于夫钟

冬十有二月公会宋公于阚

十二年秋公会宋公于虚

冬十有一月公会宋公于龟

已上四会宋策书未详説见毛氏 中

十四年春正月公会郑伯于曹

春王失王字阙文后仿此

十五年夏公会齐侯于艾【齐襄公】

十六年春正月公会宋公蔡侯卫侯于曹【谋伐郑也】

十八年春王正月公会齐侯于泺公与夫人姜氏遂如齐【齐侯襄公夫人文姜也】

庄二年冬十有二月夫人姜氏会齐侯于禚

七年春夫人姜氏会齐侯于防

冬夫人姜氏会齐侯于谷

十三年春齐侯宋人陈人蔡人邾人会于北杏

此齐桓始会平宋乱也桓亲至会而列国以大夫至故齐称侯而列国称人

十四年冬单伯会齐侯宋公卫侯郑伯于鄆【单伯周大夫】齐桓假王命伐宋宋服故有此会后同

十五年齐侯宋公陈侯郑伯会于鄆

二十七年春公会 伯姬于洮

杞成公夫人庄公之女以事见公而不及归宁之期故不入国而会公于境礼也

冬公会齐侯于城濮

周惠王新立遇王子頹之乱卫师与燕师助之伐王而齐桓不能正讨至王请伐卫然后会城濮以谋之伯主之无道如此

僖元年八月公会齐侯宋公郑伯曹伯邾人于柎三年秋齐侯宋公江人黄人会于阳谷【齐桓谋伐楚也】

五年夏公及齐侯宋公陈侯卫侯郑伯许男曹伯会王世子于首止

此王世子即襄王也惠王将废王世子而立王子带故会之以定其位

九年夏公会宰周公齐侯宋子卫侯郑伯许男曹伯于葵丘【定王位也】

十一年夏公及夫人姜氏会齐侯于阳谷

此僖公夫人会齐桓也策书未详其事

十三年夏公会齐侯宋公陈侯卫侯郑伯许男曹伯于咸【以淮夷病 故也】

十六年冬十有二月公会齐侯宋公陈侯卫侯郑伯许男邢侯曹伯于淮【谋保鄆且东略也】

十七年秋夫人姜氏会齐侯于卞

齐桓以僖公灭项之故乘其会淮而执之不令归僖夫人本桓女会而请之然后公得至自会推此则前此阳谷之会亦必有他故而史亡之矣

二十八年冬公会晋侯齐侯宋公蔡侯郑伯陈子莒子邾子秦人于温

此晋文兴伯讨不服也秦人者秦大夫也

文元年秋公孙敖会晋侯于戚

十一年夏叔仲彭生会晋郤缺于承匡【晋灵谋诸侯之从楚者】十三年冬公如晋卫侯会

公于眚【请平于晋也】

十有二月公还自晋郑伯会公于棐【请平于晋也】

十七年六月诸侯会于扈【晋平宋乱无功】

宣元年公会齐侯于平州

东门襄仲请于齐以立宣公故会齐固其位也

七年冬公会晋侯宋公卫侯郑伯曹伯于黑壤

九年秋晋侯宋公卫侯郑伯曹伯会于扈

十一年秋晋侯会狄于攢函

晋景求成于狄而狄服之因就狄与会焉

十四年公孙归父会齐侯于谷

十五年春公孙归父会楚子于宋【楚子围宋而我往会之】

秋仲孙蔑会齐高固于无娄

成二年冬十有一月公防楚公子婴齐于蜀

五年夏叔孙侨如会荀首于谷

荀首如齐逆女而侨如往会申馈礼也

十二年夏公会晋侯卫侯于 泽

十五年冬十有一月叔孙侨如会晋士燮齐高无咎宋华元卫孙林父郑公子防邾人会吴于钟离【始通吴也】十六年秋公会晋侯齐侯卫侯宋华元邾人于沙随不见公

晋召师于鲁以伐郑因公迟至遂怒而绝之例大夫称人若邾鄆小国则皆卿而降一等比大国之大夫故亦称人他仿此

襄元年秋七月仲孙蔑会晋荀防宋华元卫孙林父曹人邾人于戚【为晋谋伐郑也】

五年夏仲孙蔑卫孙林父会吴于善道【晋使往会也】

秋公会晋侯宋公陈侯卫侯郑伯曹伯莒子邾子滕子薛伯齐世子光吴人鄫人于戚

此晋与吴会也时吴以大夫至故称人

七年冬十有二月公会晋侯宋公陈侯卫侯曹伯莒子邾子于鄆

八年夏季孙宿会晋侯郑伯齐人宋人卫人邾人于邢丘【此晋定朝聘之数颁诸侯也】

十年春公会晋侯宋公卫侯曹伯莒子邾子滕子薛伯 伯小邾子齐世子光会吴于柤【谋病楚也后同】

十四年春王正月季孙宿叔老会晋士匄齐人宋人卫人郑公孙蛰曹人莒人邾人滕人薛人杞人小邾人会吴于向

冬季孙宿会晋士匄宋华阅卫孙林父郑公孙蛰莒人邾人于戚

十九年叔孙豹会晋士匄于柯

二十一年公会晋侯齐侯宋公卫侯郑伯曹伯莒子邾子于商任【为晋鞶栾氏也】

二十二年冬公防晋侯齐侯宋公卫侯郑伯曹伯莒子邾子薛伯 伯小邾子于沙随【复鞶栾氏也】

二十四年秋公会晋侯宋公卫侯郑伯曹伯莒子邾子滕子薛伯小邾子于夷仪【晋谋伐齐也】

二十五年夏公会晋侯宋公卫侯郑伯曹伯莒子邾子滕子薛伯小邾子于夷仪【复谋伐齐也】

晋悼行伯动輒召十三国诸侯大夫日夕奔命而晋平效之诸国荼毒已极矣此防盟将变之候也

二十六年夏公会晋人郑良霄宋人曹人于澶渊二十七年夏叔孙豹会晋赵武楚屈建蔡公孙归生卫石恶陈孔免郑良霄许人曹人于宋

此宋向戌合诸国大夫调和晋楚以息兵争之会也

昭元年春叔孙豹会晋赵武楚公子围齐国弱宋向戌卫齐恶陈公子招蔡公孙归生郑罕虎许人曹人于皐【寻宋之会也】

四年夏楚子蔡侯陈侯郑伯许男徐子滕子顿子胡子沈子小邾子宋世子佐淮夷会于申

楚灵王篡弑后思固位也

九年春叔弓会楚子于陈

十一年秋季孙意如会晋韩起齐国弱宋华亥卫北宫佗郑罕虎曹人 人于厥憖【谋救蔡不得也】

十三年秋公会刘子晋侯齐侯宋公卫侯郑伯曹伯莒子邾子滕子薛伯 伯小邾子于平丘

晋成虎祁宫诸侯朝而归者多二心乃用叔向谋召会诸侯而假兵力以胁之

二十五年夏叔诣会晋赵鞅宋乐大心卫北宫喜郑游吉曹人邾人滕人薛人小邾人于黄父

二十七年秋晋士鞅宋栾祁犁卫北宫喜曹人邾人滕人会于扈【会成周且谋纳昭公也】

三十一年春季孙意如会晋荀跢于适厯【谋纳昭公也】定八年公会晋师于瓦【齐伐我而晋来救故迎会之】

十年夏公会齐侯于夹谷

冬齐侯卫侯郑游速会于安甫

十四年公会齐侯卫侯于牵【谋救范中行氏也】

秋齐侯宋公会于洮【上同】

邾子来会公

因搜比蒲而会于搜所故称会以不行朝礼也

哀六年夏叔还会吴于柤【吴召会也】

七年夏公会吴于郕

十二年夏公会吴于橐皋

秋公会卫侯宋皇瑗于郕

十三年夏公会晋侯及吴子于黄池

或称吴或称吴子史例如此如于越败吴于檣李吴子及楚人战于柏举类

盟

隐元年三月公及邾仪父盟于蔑

凡会盟侵伐不必鲁为政皆首鲁公以此为鲁史也即或但书及而不书公亦公及也若邾子书名则以附庸君与天子上士可名可字例同

九月及宋人盟于宿【宋大夫称人】

二年秋八月庚辰公及戎盟于唐

月日有书有不书史例如此

冬纪子伯莒子盟于向【子伯纪大夫字】

三年冬十有二月齐侯郑伯盟于石门

此似谋纪而豫会者然策书不详其事

八年秋七月庚午宋公齐侯卫侯盟于瓦屋【平郑也】九月辛卯公及莒人盟于浮来

桓元年夏四月丁未公及郑伯盟于越【易许田也】

二年秋公及戎盟于唐

十有一年春正月齐人卫人郑人盟于恶曹

三国伐我后重为此盟

庄九年春公及齐大夫盟于薳【此迎公子纠者】

十九年秋公子结媵陈人之妇于鄆遂及齐公宋公盟齐宋谋伐鲁公子结以使媵闻而專盟故特书之

二十二年秋七月丙申及齐高傒盟于防【齐桓修好于鲁也】闵元年秋八月公及齐侯盟于落姑

僖二年秋九月齐侯宋公江人黄人盟于贯

八年秋八月诸侯盟于首丘

此齐桓以王世子会诸侯而重为此盟者然不及王世子者以诸侯不敢与世子盟也按周礼天子十二年巡狩与诸侯盟于方岳之下则天子尚盟何况世子但周礼今时已亡汉儒皆依文立說并鲜考据如此必王世子原不与盟故不书及非谓王世子不可盟也

九年秋九月戊辰诸侯盟于葵丘

十九年夏六月宋公曹人邾人盟于曹南【宋襄公思起伯也】二十年秋齐人狄人盟于邢【谋卫难也】

二十一年春宋人齐人楚人盟于鹿上

三十二年秋卫人及狄盟【狄请平也】

文二年三月己巳及晋处父盟

晋襄初立以鲁不朝来讨公如晋晋使阳处父盟公以耻之处父不书字史例如此

三年冬十有二月己巳公及晋侯盟【改盟也】

十年秋及苏子盟于女栗【苏子王官也时顷王新立】

十三年十有二月己丑公及晋侯盟

十五年冬十有一月诸侯盟于扈

此晋宋会八国谋伐齐者其不书诸国名者以公不与会不能通也

十六年夏六月戊辰公子遂及齐侯盟于鄆丘

十七年夏六月癸未公及齐侯盟于谷【齐侯亲伐我也】

宣十一年夏楚子陈侯郑伯盟于辰陵

成元年夏臧孙许及晋侯盟于赤棘【谋齐难也】

二年秋七月齐侯使国佐如师己酉及国佐盟于袁娄时鞌之战鲁大夫帅师同晋卫曹三国大夫与齐侯战齐败而行成故与盟焉

十有一月丙申公及楚人秦人宋人陈人卫人郑人齐人曹人邾人薛人鄆人盟于蜀【时楚侵鲁故盟蜀以平之】

三年冬十二月丙午及荀庚盟丁未及孙良夫盟此晋卫二卿来聘而与之盟者恐二楚也

十一年三月己丑及郤犇盟【此亦来聘与盟者】

十六年十有二月乙丑季孙行父及晋郤犇盟于扈襄三年夏四月壬戌公及晋侯盟于长檣

七年冬十月壬戌及孙林父盟【此亦来聘与盟者】

十五年春二月己亥及向戌盟于刘

此亦宋来聘而与盟者然他皆不地而此书地以他盟于国而此独盟于城外邑也

十九年春王正月诸侯盟于祝柯

此我与晋同围齐之诸侯也

二十七年秋七月辛巳豹及诸侯之大夫盟于宋【此平晋楚争也】

定元年冬仲孙何忌及邾子盟于拔

四年五月公及诸侯盟于臯鼬

晋定借王人及诸国之师会召陵侵楚而重为是盟与僖八年诸侯会首止九年诸侯会葵丘例同

七年秋齐侯郑伯盟于咸

齐侯卫侯盟于沙

晋伯衰诸侯自相盟如此

八年冬卫侯郑伯盟于曲濮

哀二年春王二月癸巳叔孙州仇仲孙何忌及邾子盟于句绎

同盟

同盟者众共为之虽一国为政而为众国所共成则曰同谷梁谓同者众所同欲而为释例者遵之则同盟鸡泽显有齐侯不欲盟而盟于郕水之外即晋欲媚吴遣荀会迎吴子于淮上而吴子仍不来至平丘同盟则诸侯皆贰晋晋用叔向谋大出兵力胁王官并十三国诸侯而强使之盟然且有我公之不与盟者何同欲也若左氏曰同尊周室则凡同盟者皆晋挟诸国以与楚争诸小国并未尝尊周也三 皆不知比事而以臆释经误矣

宣二十二年冬晋人宋人卫人曹人同盟于清丘【晋要宋服也】

成七年八月戊辰同盟于马陵【晋与楚争郑也】

十七年六月乙酉同盟于柯陵【晋伐郑也】

襄十一年秋七月己未同盟于亳城北【晋伐郑也】

已上无诸国诸侯字者承前文也

二十五年秋八月己巳诸侯同盟于重丘【晋伐齐也】

亦承前文后仿此

昭十三年八月甲戌同盟于平丘【晋胁诸侯服己也】

春秋属辞比事记卷三

翰林院检讨毛奇龄撰

会盟【会而后盟也】

隐六年夏五月辛酉公会齐侯盟于艾

桓十二年夏六月壬寅公会杞侯莒子盟于曲池秋七月丁亥公会宋公燕人盟于谷丘

冬十一月丙戌公会郑伯盟于武父

十七年春正月公会齐侯纪侯盟于黄

齐将谋纪而鲁成之

二月丙午公会邾仪父盟于趯

庄十三年冬公会齐侯盟于柯【盟齐桓也】

二十三年十有二月甲寅公会齐侯盟于扈

僖七年秋七月公会齐侯宋公陈世子款郑世子华盟于甯母

八年春王正月公会王人齐侯宋公卫侯许男曹伯陈世子款盟于洮

齐桓定襄王位也

十五年三月公会齐侯宋公陈侯郑伯许男曹伯盟于牡丘【楚伐徐而谋救之】

十九年夏四月鄫子会盟于郕

宋襄思起伯召曹伯邾子会于曹南而曹伯邾子皆不至但使大夫赴会经书宋公曹人邾人盟于曹南是也是时急召鄫子鄫子迫宋襄及邾而不及会矣宋襄乃使邾子杀鄫子作牺牲祭祀而然后伐曹故此变书会盟言来赴会与盟而不知盟而后会抑会而后盟也此志宋恶也

冬会陈人蔡人楚人郑人盟于齐

此僖公与诸国召楚子以谋伐宋也鄫子鲁壻故鲁先之然亦宋襄无道故诸国合谋如此

二十一年十有二月癸丑公会诸侯盟于薄释宋公时楚以诸侯之师伐宋执宋襄而后为会以释之

二十五年冬十有二月癸亥公会卫子莒庆盟于洮【卫成为我平莒也】

二十六年春王正月己未公会莒子卫甯速盟于向【寻洮盟也】

二十七年十有二月甲戌公会诸侯盟于宋

楚会诸侯伐宋而公往会之

二十八年五月癸丑公会晋侯齐侯宋公蔡侯郑伯卫子莒子盟于践土

此晋文奉襄王以会诸侯也

二十九年夏六月会王人晋人宋人齐人陈人蔡人秦人盟于翟泉

此寻践土盟且谋伐郑也

文二年夏六月公孙敖会宋公陈侯郑伯晋士穀盟于垂陇

晋襄以鲁卫不朝新君来讨公已如晋未还

二十九年夏六月会王人晋人宋人齐人陈人蔡人秦人盟于翟泉

此寻践土盟且谋伐郑也其所会皆卿大夫而我但书会字亦公会也史例如此

文二年夏六月公孙敖会宋公陈侯郑伯晋士穀盟于垂陇

晋襄欲伐卫而诸国求成于晋故晋士穀受成焉

七年秋八月公会诸侯晋大夫盟于扈

此晋灵初立诸国共盟而晋赵盾受盟者其不书诸国名而统言诸侯以公后至未通名也

八年冬十月壬午公子遂会晋赵盾盟于衡雍

乙酉公子遂会雒戎盟于暴【以雒戎将伐鲁也】

十六年春季孙行父会齐侯于阳谷齐侯弗及盟鲁请盟而齐不许也

三年六月陈侯使袁侨如会戊寅叔孙豹及诸侯之大夫及陈袁侨盟

此晋为鸡泽之会陈请入会而与之盟者

十六年二月公会晋侯宋公卫侯郑伯曹伯莒子邾子薛伯 伯小邾子于溴梁戊寅大夫盟

晋平新立与楚争伯胁诸侯为盟独齐侯不至晋令诸国大夫与齐使盟而齐使又逃归于是大夫自为盟故变文如此

二十一年春王正月辛亥仲孙速会莒人盟于向

夏六月庚申公会晋侯齐侯宋公卫侯郑伯曹伯莒子邾子滕子薛伯 伯小邾子盟于澶渊【齐晋平也】

昭十五年夏五月仲孙矍会邾子盟于祊祥

二十六年秋公会齐侯莒子邾子 伯盟于鄆陵【谋纳昭公】也

定十二年冬十月癸亥公会齐侯盟于黄【结叛晋也】

会同盟

庄十六年冬十有二月会齐侯宋公陈侯卫侯郑伯许男滑伯滕子同盟于幽【齐楚争服郑也】

文十四年六月公会宋公陈侯卫侯郑伯许男曹伯晋赵盾癸酉同盟于新城【晋灵服诸国也】

宣十七年六月己未公会晋侯卫侯曹伯邾子同盟于断道【晋景服诸国也】

成五年十有二月己丑公会晋侯齐侯宋公卫侯郑伯曹伯邾子 伯同盟于虫牢【晋服郑也】

九年春公会晋侯齐侯宋公卫侯郑伯曹伯莒子 伯同盟于蒲【晋与楚争郑也】

十五年三月癸丑公会晋侯卫侯郑伯曹伯宋世子成齐国佐邾人同盟于戚

十八年十二月仲孙蔑会晋侯宋公卫侯邾子齐崔杼同盟于虚朮【晋悼与楚争宋也】

襄三年公会单子晋侯宋公卫侯郑伯莒子邾子齐世子光己未同盟于鸡泽

九年冬公会晋侯宋公卫侯曹伯莒子邾子滕子薛伯杞伯小邾子齐世子光伐郑十有二月己亥同盟于戏【此晋悼接伐之盟也】

来盟

桓十四年夏郑伯使其弟语来盟

公子例通名语者郑弟名也此与齐侯使其弟年来聘同

闵二年冬齐高子来盟

齐桓定鲁难也高傒称子与前年称季子来归同

僖四年楚屈完来盟于师盟于召陵

此齐桓伐楚而楚来盟故云于师召陵师所退地

文十五年春三月宋司马华孙来盟

宣七年春卫侯使孙良夫来盟

襄二十九年夏 子来盟

涖盟【徃盟也】

僖三年冬公子友如齐涖盟【寻齐桓阳谷之会也】

文七年冬公孙敖如莒涖盟

昭七年春叔孙舍如齐涖盟

定十一年冬叔还如郑涖盟【鲁郑俱叛晋也】

乞盟

僖八年春郑伯乞盟【齐桓会洮服郑也】

逃盟

僖五年秋郑伯逃归不盟【齐桓盟首止而郑叛归也】

不盟

昭十三年八月公不与盟【晋平丘之盟受莒愬而斥公也】

遇【草次相会之名】

隐四年夏公及宋公遇于清

八年春宋公卫侯遇于垂

庄四年夏齐侯陈侯郑伯遇于垂

二十三年夏公及齐侯遇于谷【齐桓修好也】

三十年冬公及齐侯遇于鲁济【齐桓谋伐戎也】

三十二年夏宋公齐侯遇于梁丘

僖十四年夏六月季姬及鄆子遇于防使鄆子来朝公恶鄆子不朝留季姬归宁而将绝之故姬遇鄆子而使之来朝盖鄆子鲁婿也

胥命

相命也有约言而不防血谓之相命

桓三年夏齐侯卫侯胥命于蒲

齐卫于隐八年曾为瓦屋之盟以平郑此不知何事策书未详

平

平即成也 多称成而经多称平要其义则一耳

隐六年春郑人来输平

宣四年春王正月公及齐侯平莒及邾莒人不肯公伐莒取向

十五年夏五月宋人及楚人平

昭七年春王正月暨齐平

定十年春王正月及齐平

十一年冬及郑平

成

桓二年三月公会齐侯陈侯郑伯于稷以成宋乱【成华督弑君之乱】

侵伐

军礼为五礼之一而侵与伐又只得军礼之二然而大槩可见者以潜师掠境与声罪致讨一陰一阳行军之大致不过如此旧谓春秋皆征伐之书即孟子亦曰征者上伐下也敌国不相征也则春秋并无一征字凡侵六十伐二百有七其中围袭入战取救诸部原与侵伐别见者各就其标目而分着于篇侵

庄十年春二月公侵宋

十五年秋郑人侵宋

二十四年冬戎侵曹

二十九年夏郑人侵许

此策书不详其事然郑以许为与国而思以并之竟与春秋相始终者此其一也

僖二年冬楚人侵郑【楚与齐争郑也】

十三年春狄侵卫

十四年秋狄侵郑

二十一年春秋侵卫

二十八年春晋侯侵曹

三十年夏狄侵齐秋介人侵萧

三十二年夏卫人侵狄

三十三年夏狄侵齐

文四年夏狄侵齐

七年夏狄侵我西鄙

春秋书侵三十四而狄居十四然且侵宋伐郑灭卫灭邢即以齐桓之攘夷而僖三十年齐伯衰而遂侵之今忽来侵我书所称蛮夷猾夏诗所称戎狄是膺者正指此等胡氏妄以楚当之而不知其误也秦楚吴越皆春秋五等之爵并非夷狄惟此戎狄横肆春秋屡书之此即寓攘之意若胡氏谓内中国外夷狄则以秦后之夷狄论春秋不通极矣春秋遍中国皆夷狄焉能外耶

九年夏狄侵齐

十年冬狄侵宋

十一年秋狄侵齐

十三年冬狄侵卫

十五年秋齐人侵我西鄙

冬十有二月齐人侵我西鄙

宣元年秋楚子郑人侵陈遂侵宋

二年夏晋人宋人卫人陈人侵郑

三年夏楚人侵郑

秋赤狄侵齐

四年夏赤狄侵齐

六年春晋赵盾卫孙免侵陈

成二年楚师郑师侵卫

十八年冬楚人郑人侵宋

襄二年夏晋师宋师卫甯殖侵郑

十四年夏莒人侵我东鄙

定六年春公侵郑【奉晋令也】

八年春王正月公侵齐二月公侵齐【皆报伐也】

【会侵】定四年三月公会刘子晋侯宋公蔡侯卫侯陈子郑伯许男滑伯莒子邾子顿子胡子滕子薛伯 伯小邾子齐国夏于召陵侵楚

晋假王命伐楚而不敢伐即书侵而仍不侵陋之也

【追侵】僖二十六年春齐人侵我西鄙公追齐师至鄆弗及【执侵】定七年秋齐人执卫行人北宫括以侵卫

此齐卫欲叛晋而卫大夫不从卫侯陰通齐侯使阳执其使以侵之盖思胁其诸大夫也

【侵获】襄八年夏郑人侵蔡获蔡公子燮

【帅师侵】宣元年冬晋赵穿帅师侵崇

侵无不帅师者特书例偶不同耳或曰帅师重侵事非也先仲氏谓成襄后史多书帅师前此皆不然此为得之

成六年春卫孙良夫帅师侵宋

秋仲孙蔑叔孙侨如帅师侵宋

卫与我皆受晋令以讨宋并非重其事而书帅师者若二卿并书则凡我出师有然亦是史例盖重出师不是重此一师也

八年春晋栾书帅师侵蔡

十年春卫侯之弟黑背帅师侵郑【奉晋命也】

十六年夏郑公子喜帅师侵宋

十七年春卫北宫括帅师侵郑【晋命也】

襄元年秋楚公子壬夫帅师侵宋

十一年夏郑公孙舍之帅师侵宋

十二年冬楚公子贞帅师侵宋

二十四年春仲孙羯帅师侵齐【晋命也】

定八年秋晋士鞅帅师侵郑遂侵卫

九月季孙斯仲孙何忌帅师侵卫【晋命也】

哀七年春宋皇瑗帅师侵郑

晋魏曼多帅师侵卫

十年夏晋赵鞅帅师侵齐

十三年秋晋魏曼多帅师侵卫

【帅师会侵】僖四年冬十有二月公孙兹帅师会齐人宋人卫人郑人许人曹人侵陈

【帅师侵还】襄十九年秋晋士匄帅师侵齐至谷闻齐侯卒乃还

【会侵伐次】僖四年春王正月公会齐侯宋公陈侯卫侯郑伯许男曹伯侵蔡蔡溃遂伐楚次于陉【此齐桓以诸侯之师伐楚也】同一帅侵而晋楚多争强郑宋多释患鲁卫在僖文之间皆受命于齐宣成以后则皆受命于晋而文无异同者正所谓义以事起以礼断而不在乎于书法句字间也

伐

隐二年十二月郑人伐卫

四年夏宋公陈侯蔡人卫人伐郑

五年秋邾人郑人伐宋

七年秋公伐邾【策书不合】

桓八年秋伐邾

十四年宋人以齐人蔡人卫人陈人伐郑

十七年秋及宋人卫人伐邾

庄十四年春齐人陈人曹人伐宋

十五年秋宋人齐人邾人伐郕

十六年宋人齐人卫人伐郑

秋荆伐郑【楚争郑之始】

十九年冬齐人宋人陈人伐我西鄙

二十年冬齐人伐戎

二十六年春公伐戎

三十年齐人伐山戎

僖元年楚人伐郑

三年楚人伐郑【与齐争郑也】

四年秋及江人黄人伐陈

七年春齐人伐郑

八年夏狄伐晋

十年夏齐侯许男伐北戎

十五年楚人伐徐

秋七月齐师曹师伐厉 冬宋人伐曹

十七年春齐人徐人伐英氏【楚与国】

十八年春王正月宋公曹伯卫人邾人伐齐【宋襄纳齐孝公也】 冬邢人狄人伐卫

十九年卫人伐邢

二十年楚人伐随

二十一年冬公伐邾

二十二年夏宋公卫侯许男滕子伐郑

二十三年楚人伐陈

二十四年夏狄伐郑

二十六年夏齐人伐我北鄙 卫人伐齐

二十八年春晋侯伐卫【晋文报怨也】

三十三年狄伐齐 晋人陈人郑人伐许

文元年晋侯伐卫 卫人伐晋【此晋伐卫而卫成报之】

二年冬晋人宋人陈人郑人伐秦

三年秦人伐晋

四年晋侯伐秦

七年春公伐邾 冬徐伐莒

十年夏秦伐晋

十一年春楚子伐麇

十四年春邾人伐我南鄙

十七年春晋人卫人陈人郑人伐宋 齐侯伐我西鄙宣元年晋人宋人伐郑 秦师伐晋

三年楚子伐陆浑之戎

四年冬楚子伐郑

五年冬楚子伐郑

八年晋师白狄伐秦楚师伐陈

九年齐侯伐莱

十年六月宋师伐滕 晋人宋人卫人曹人伐郑 楚子伐郑

十三年齐师伐莒夏楚子伐宋

十四年晋侯伐郑

十五年秦人伐晋

十八年晋侯卫世子臧伐齐 公伐

成二年春齐侯伐我北鄙

三年晋郤克卫孙良夫伐麇咎如【赤狄也】 冬郑伐许四年郑伯伐许

七年吴伐郟

九年秦人白狄伐晋

十五年楚子伐郑

襄二年郑师伐宋

八年莒人伐我东鄙

九年楚子伐郑

十年晋师伐秦 秋莒人伐我东鄙

十一年楚子郑伯伐宋 冬秦人伐晋

十五年邾人伐我南鄙

十六年齐侯伐我北鄙

十七年宋人伐陈 冬邾人伐我南鄙

十八年秋齐师伐我北鄙

二十三年齐侯伐卫遂伐晋

二十四年夏楚子伐吴 冬楚子蔡侯陈侯许男伐郑二十六年冬楚子蔡侯陈侯伐郑

昭四年秋七月楚子蔡侯陈侯许男顿子胡子沈子淮夷伐吴

五年楚子蔡侯陈侯许男顿子沈子徐人越人伐吴此合诸国师而不书会者以楚效晋作搂伐而不晓会礼故略之此亦文例也

六年齐侯伐北燕

十二年楚子伐徐晋伐鲜虞

十六年春齐侯伐徐

十九年春宋公伐邾

二十二年春齐侯伐莒

三十二年夏吴伐越

定二年秋楚人伐吴

哀元年秋齐侯卫侯伐晋

五年夏齐侯伐宋

六年吴伐陈

八年吴伐我

九年夏楚人伐陈 秋宋公伐郑

十年宋人伐郑

春秋属辞比事记卷四

翰林院检讨毛奇龄撰

【从王伐】桓五年秋蔡人卫人陈人从王伐郑

此桓王恶郑庄以诸侯之师伐之而大国无至者即小国以大夫行而君不亲军故经以从王发例盖深痛春秋之无王也是役王师败绩而不书讳之也文也

【帅师伐】庄二年夏公子庆父帅师伐于余丘【策书阙】

僖三十三年秋公子遂帅师伐邾

文十四年叔孙彭生帅师伐邾

宣九年九月晋荀林父帅师伐陈

成三年郑公子弃疾帅师伐许

六年楚公子婴齐帅师伐郑

七年楚公子婴齐帅师伐郑

九年晋栾书帅师伐郑

十四年郑公子喜帅师伐许

襄三年春楚公子婴齐帅师伐吴 冬晋荀防帅师伐许

五年楚公子贞帅师伐陈

八年楚公子贞帅师伐郑

十年楚公子贞郑公孙輶帅师伐宋

十四年楚公子贞帅师伐吴

十七年卫石买帅师伐曹

十八年楚公子午帅师伐郑

十九年卫孙林父帅师伐齐

二十年仲孙速帅师伐邾

二十四年齐崔杼帅师伐莒

二十五年齐崔杼帅师伐我北鄙 冬郑公孙夏帅师伐陈

昭六年楚防罢帅师伐吴

十年秋七月季孙意如叔弓仲孙貜帅师伐莒

十五年晋荀吴帅师伐鲜虞

十九年秋齐高发帅师伐莒

定四年晋士鞅卫孔圉帅师伐鲜虞

七年齐国夏帅师伐我西鄙

八年齐国夏帅师伐我西鄙

十二年卫公孟彊帅师伐曹

十三年卫公孟彊帅师伐曹

十五年郑罕达帅师伐宋

哀元年冬仲孙何忌帅师伐邾

三年宋乐髡帅师伐曹

五年晋赵鞅帅师伐卫

六年晋赵鞅帅师伐鲜虞 冬仲孙何忌帅师伐邾宋向巢帅师伐曹

十一年齐国书帅师伐我

十二年宋向巢帅师伐郑

十三年楚公子申帅师伐陈

【会伐】桓十五年冬十有一月公会宋公卫侯陈侯于袤伐郑

十六年夏四月公会宋公卫侯陈侯蔡侯伐郑

庄三年春王正月溺会齐师伐卫

五年冬公会齐人宋人陈人蔡人伐卫

十四年夏单伯会伐宋【齐桓假王命也】

二十六年秋公会宋人齐人伐徐

宣元年宋公陈侯卫侯曹伯会晋师于棐林伐郑七年夏公会齐侯伐莱

十一年公孙归父会齐人伐莒

成三年春王正月公会晋侯宋公卫侯曹伯伐郑八年叔孙侨如会晋士燮齐人邾人伐郕

十年公会晋侯齐侯宋公卫侯曹伯伐郑

十三年夏五月公自京师遂会晋侯齐侯宋公卫侯郑伯曹伯邾人滕人伐秦

十六年公会尹子晋侯齐国佐邾人伐郑【晋假王命也】十七年夏公会尹子单子晋侯齐侯宋公卫侯曹伯邾人伐郑 冬公会单子晋侯宋公卫侯曹伯齐人邾人伐郑

襄九年公会晋侯宋公卫侯曹伯莒子邾子滕子薛伯 伯小邾子齐世子光伐郑

十年公会晋侯宋公卫侯曹伯莒子邾子齐世子光滕子薛伯 伯小邾子伐郑

十一年公会晋侯宋公卫侯曹伯齐世子光莒子邾子滕子薛伯 伯小邾子伐郑

十二年公会晋侯宋公卫侯曹伯齐世子光莒子邾子滕子薛伯 伯小邾子伐郑会于萧鱼

春秋会伐即孟子接伐也接伐之习虽起齐桓然不过数国且偶再耳晋自襄灵后无岁不然且动辄一十二国君必亲至试问从王之师有是否也

十四年叔孙豹会晋荀偃齐人宋人卫北宫括郑公孙蜃曹人莒人邾人滕人薛人 人小邾人伐秦

非命卿有名即称人十三国伐秦是戍之也甚矣

十六年叔老会郑伯晋荀偃卫甯殖宋人伐许

哀十年公会吴伐齐

十一年公会吴伐齐

【伐取】隐四年春王二月莒人伐 取牟娄

十年秋宋人蔡人卫人伐戴郑伯伐取之【败其师而取其众也】僖二十三年春公伐邾取须句

二十六年公以楚师伐齐取谷

三十三年公伐邾取訾娄

宣四年春公伐莒取向

【伐战】桓十二年十有二月及郑师伐宋丁未战于宋【伐围】隐五年冬宋人伐郑围长葛

僖二十三年春齐侯伐宋围缙

二十六年冬楚人伐宋围缙

襄十二年春王二月莒人伐我东鄙围台

十七年齐侯伐我北鄙围桃

【伐入】文十五年齐侯伐曹入其郛

成十八年夏楚子郑伯伐宋宋鱼石复入于彭城【伐纳】庄九年夏公伐齐纳纠【齐公子纠也】

【伐归】隐七年戎伐凡伯于楚丘以归

此非搆伐徒剽略耳特书伐重王人也

【伐救】僖三十三年宣十二年宋师伐陈卫人救陈

【伐卒】襄二十五年吴子遏伐楚门于巢卒

【帅师会伐】隐四年秋翬帅师会宋公陈侯蔡人卫人伐郑十年夏翬帅师会齐人郑人伐宋

此鲁齐郑奉王命讨宋而君不亲军但遣大夫帅师故不书王命亦文例也

【帅师伐取】宣十年公孙归父帅师伐邾取绎

哀二年春王二月季孙斯叔孙州仇仲孙何忌帅师伐邾取濞东田及沂西田

【帅师伐围】襄十七年齐高厚帅师伐我北鄙围防

【帅师伐入】文十五年晋郤缺帅师伐蔡戊申入蔡

【帅师伐救】文三年晋阳处父帅师伐楚以救江

宣九年楚子伐郑晋郤缺帅师救郑

哀十年楚公子结帅师伐陈吴救陈

【帅师伐溃入】成九年楚公子婴齐伐莒庚申莒溃楚人入郕【帅师伐防次】襄元年晋韩厥帅师伐郑仲孙蔑会齐崔杼曹人邾人 人次于鄆

【会伐围】僖九年夏公会齐侯宋公陈侯卫侯曹伯伐郑围新城

【会伐溃】文三年春王正月叔孙得臣会晋人宋人陈人卫人郑人伐沈沈溃

【会执伐】僖二十一年秋宋公楚子陈侯蔡侯郑伯许男曹伯会于孟执宋公以伐宋【合伐宋襄也】

【伐会救】庄二十八年荆伐郑公会齐人宋人救郑

文九年楚人伐郑公子遂会晋人宋人卫人许人救郑【伐围救】襄十五年夏齐侯伐我北鄙围成公救成至遇【伐战败绩】庄二十八年春王三月甲寅齐人伐卫卫人及齐人战卫

人败绩

齐桓奉王命讨卫而经不书不亲军也

【会侵溃伐次】僖四年公会齐侯宋公陈侯卫侯郑伯许男曹伯侵蔡蔡溃遂伐楚次于陜克

隐元年夏五月郑伯克段于鄢

克者胜也胜之已耳予之也此春秋専例也

入【入而取其地与入而不取其地统名曰入】

隐二年夏五月莒人入向 无骇帅师入极

五年卫师入郕【国名】

十年秋宋人卫人入郑 冬十月壬午齐人郑人入郕十一年秋七月壬午公及齐侯郑伯入许
此后俱阙

按属辞比事记十卷在同门编辑时已亡其半今无可问矣诸门仿成式尚可补缀然不敢诬罔阙之已耳若属比切例一门则在本 下细观自具如惠公娶宋仲子与卫庄娶陈厉嬀比例惠公立桓公为嫡子与鲁庄立子般为嫡子比例类并鲜阙轶且每传下又有明注如隐二年无骇帅师入极与庄三年溺帅师伐郑例同隐三年武氏子来求 与桓五年仍叔之子来聘例同类较之二十二门部一槩比属者迥别此在本 已自了然何敢再赘观者谅之遂宗谨识